

MISA CON NENOS 29 de xaneiro 2023

ORDINARIO 4º-A

Mateo 4, 12-17: "Ditosos, benaventurados, felices".

Mensaxe: Benaventuranzas, cambio de rumbo para darlle volta ao mundo...




1. MONICIÓN DE ENTRADA

Irmáns e irmás:

Cada domingo reunímonos, como unha familia, para celebrar a Eucaristía e enriquecer a nosa vida ao escoitar a Xesús e alimentarnos do seu Pan. Hoxe proponnos as Benaventuranzas como o camiño para conseguir a verdadeira felicidade. Os que son capaces de darlle un cambio de rumbo á propia vida sendo compasivos, misericordiosos, construtores de paz, sentirán o consolo de Deus e estarán sempre alegres.

(Pódense colocar nun sitio visible o debuxo de Fano deste domingo ou outro que poña ben visible a frase "Felices segundo Xesús son os que poñen o mundo ao revés").

SACERDOTE: No nome do Pai... Deus que, en Xesús, nos ensinou o camiño da felicidade, sexa convosco.



2. SÚPLICAS DE PERDÓN

Arrepentímonos das veces que buscamos a felicidade por camiños equivocados, e pedimos perdón.

-Ti, Xesús, queres que sexamos felices facendo felices aos outros. *Señor, ten piedade de nós.*

-Ti, Xesús, convídanos a ser humildes e sinxelos, a ter un corazón limpo e compasivo. *Cristo, ten piedade de nós.*

-Ti, Xesús, aclárasnos que o éxito non vén só polo diñeiro e o poder. *Señor, ten piedade de nós.*



3. MONICIÓN Á PALABRA DE DEUS

O Profeta Sofonías exprésanos a chamada de Deus a buscar a humildade e a xustiza; San Paulo dinos que os primeiros cristiáns eran sinxelos e pobres e, finalmente no evanxeo, escoitemos con atención como Xesús nos dá unhas pistas para ser felices sen equivocarnos: vivindo as Benaventuranzas, é dicir, facendo felices aos demais.

4. ORACIÓN DOS FIEIS:

Permítenos, Deus Pai, que hoxe che dirixamos unha oración moi especial, alegrándonos coas Benaventuranzas que nos comunicou o teu Fillo Xesús. Respondemos:

-Benaventurados seremos, Señor. -Ti es a nosa alegría e a nosa forza.

- 1.- Pola Igrexa para que sexa a Igrexa de e para os pobres. **Oremos.**
- 2.- Polos que buscan ser ricos de corazón, ricos ante Deus. **Oremos.**
- 3.- Polos que queremos ser felices e buscámolo por camiños equivocados. **Oremos.**
- 4.- Polos pobres, polos que viven sen recursos ou o pasan mal. **Oremos.**
- 5.- Polas xentes de paz, os bondadosos, os que se xogan a vida polo ben doutros. **Oremos.**
- 6.- Polas persoas que ten sempre unha palabra de consolo e de ánimo para todos. **Oremos.**
- 7.- Polas xentes loitadoras e solidarias por un mundo máis xusto e fraterno. **Oremos.**
- 8.- Polos que asisten a catequeses para que aprendan cada día para vivir as Benaventuranzas, esta forma de ver a vida en Deus. **Oremos.**

Axúdanos, Pai, hoxe e sempre, a seguir o Camiño do teu Fillo. E dános a alegría de ser ti a nosa riqueza. Por XCNS.

5. PROCESIÓN DE OFRENDAS

- **8 NENOS CON 8 CORAZÓNS:** (Poden saír 8 nenos ou mozos con 8 corazóns sorrindo significando e simbolizando as Benaventuranzas: bágoas, sufrimento, fame, xustiza, misericordia, limpeza, paz e persecución). Con estes corazóns (ou carteis) queremos presentar ao Señor o drama do noso mundo. Pero, ademais, queremos comprometer nos ante El porque sabemos que nesas cruces, tamén temos posibilidade de alcanzar e ver a felicidade de servir a Deus e aos demais.
- **BOLSA DE CAMELOS:** Ao presentarche estes caramelos queremos lembrar que ser cristián é vivir as Benaventuranzas, é dicir, adozar a vida dos demais, facéndoos un pouco máis felices. Dános un corazón bondadoso, compasivo e xusto para poñernos á beira dos irmáns que necesitan algo. (Ao final da misa repártense entre todos).
- **PAN E VIÑO:** Co pan e o viño traemos ante o altar o que máis nos fai falta para cumprir as Benaventuranzas. Sen a eucaristía, o ser como Xesús nos convida, sería imposible. Que o seu Corpo e o seu Sangue nos dean forza e constancia.



CONVÍDASNOS Á FELICIDADE

Señor, Ti fuches un mestre do saber vivir.

Ti lembráchesnos que ser **pobre**, non estar pegado ás cousas, fainos libres, fainos necesitar menos, ser felices, e axúdanos a loitar para que todos teñan o necesario.

Ti convidáchesnos a ser **limpos de corazón**, a non deixar saír a nosa agresividade inmediata.

Recomendáchesnos a tenrura, a comunicación cálida como estilo de vida, coma se fósemos da familia.

Ti faláchesnos de **traballar pola xustiza**, de non descansar mer...
Dixéchesnos que **os que sofren** na vida son os teus preferidos, os máis próximos ao teu corazón. Por iso queres que lles deamos preferencia.

Ti demostráchesnos que ser **mansos** proporciona felicidade e a...
Axúdanos a condenar os feitos, a salvar ás persoas. Énchenos da túa serenidade transformadora e da túa paz unificadora.

Ti anunciaches que os que sentan **rexeitados por denunciar as inxustizas**, serán os que sintan alegría interior, sensación de coherencia e paz na alma. Ti, Señor, que abarcas ata onde non chegamos, preséntanos a felicidade auténtica, a forma de vivir a vida de forma satisfactoria, porque Ti viñeches para convidarnos a ter vida, e **vida en abundancia**.



Mari Patxi Ayerra